

民
權
孝

民權素第四集



秋心譯 葡萄園出版

卷上 五角
卷下 六角

年來坊間出版小說汗牛充棟然什八九哀情滑稽非頹喪則醉夢欲覓一頑廉懦立之佳構殊不可得葡萄園一書爲泰西名人宏著經海門陸秋心先生遙譯中叙希臘志士不堪土耳其之橫暴揭竿革命光復故土事緯以兒女之情愛情節離奇可歌可泣英雄兒女鐵馬金戈直使讀者有入山陰道上應接不暇之樂誠近今小說界獨一無二之善本焉先生譯斯文曾遞載民立報第一篇小說欄繇互三年之久都二十餘萬言譯筆之典雅暢達士林早有定評茲先生以遠近同志敦促出版故以全書版權讓與本出版部本出版部獲此巨製願與國人珍爲拱璧因之印刷裝訂逾格求精諒服膺先生與歡迎本出版部者當莫不以先睹爲快焉書已出版敬此露布

總發行所民權出版部

嬉笑怒罵之好文章

破涕錄

是書原為李警衆先莊
 生所編蒐羅宏博亦莊
 諧笑古今之齊諧志今
 亦不足為精數行但本
 方其精數行但本社發
 籍向不肯草率益求
 從事必至精
 精始敢出以問世是書
 尚恐有一瑕之掩故
 復敦請文學大家沈
 若先生力任校警
 並為之精者
 去其稍陳者
 而易以最
 改而後
 穎之語末後續錄
 一卷又增輯
 妙用雅馴之筆墨盡
 談諧之能事
 為鉅觀觀之近世罕
 全七卷都七萬
 言洋精製面新
 鮮現已出版
 定價三角

著超

蝶花劫

蝶花劫哀情小說也著之者何人著超也著超曷為著是書海虞吁公實
 餉之王癸秋曾披露於民權報惜未告終止而倉卒之間結構又欠良今
 精而削之完全脫稿矣內容都十八章凡七萬二千餘言言情則流露皆
 真用筆亦巨細不苟借哀情之題目寓警世之苦心至詞料之豐富尤其
 餘事佐以汪君綺雲之水彩畫令閱者愛不忍釋誠遺情之極品也書已
 出版定價五角

松笠
 譯
 勃雷克抄本之一

歐洲偵探小說輸入於中土者不下百數十種雖變幻離奇各盡其妙然
 或失之與或失之歧讀之令人爽心豁目者固多讀之令人頭重腦昏者
 蓋亦不少是書為英國巨室約翰立後故事情節非常詭奇筆法亦極突
 兀經松笠君研心譯述用筆如斬釘截鐵不以描摹見長佐以著超君之
 眉批令讀者便於了解誠偵探小說中之善本也定價二角批發從廉

徵 文 廣 告

本出版部前次徵文。深蒙各埠文士。繕稿下貺。無任感佩。惟定限過促。而徵例亦濬。既無特定之報酬。自乏名家之著述。現議自本集出版日起。永遠徵文。重釐酬格。以告來者。

一普通徵文 指定詩話以後各門優等每千字六元 特等每千字四元
中等每千字二元

一特別徵文分兩項 (甲)指定藝林及國內遊記優等每千字六元 特等每千字四元 無中等 (乙)指定名著及國外邊疆遊記最優等每千字八元 優等每千字六元 無特等

一徵文附則 以上等級經錄載後於篇末注明聽投稿人隨時向本出版部依照定等取價 如不及格之稿無論字數多少仍照前例璧還極遲以半月爲限 收稿處本出版部 收稿人蔣箸超

再告者。本集登載文字。有於篇末注明等級者。請投稿人照約向本出版部領取酬價爲盼。

名著

周浩題

名 著 題 詞

菩 薩 蠻

著 超 集 古 句

晨窗暖日烘花氣。閒尋書冊應多味。欲語羞雷。
同新文。盡國風。清言數名理。海內知名士舉。
筆。不忘規。傾心向日葵。

陸游秋晴

黃庭堅和高仲本喜相見

杜甫前出塞

章孝標送

進士劉蟾赴舉

權德輿郊居書懷

杜甫寄彭州高使君適虢州

岑長史參

宋仁宗贊歐陽修春帖

白居易百韻寄微之

民 權 素 第 四 集

民權素第四集總目

名著

藝林

游記

詩話

說海

談叢

諧藪

瀛聞

劇趣

碎玉

名著目錄

漁蓑賦以綠蓑煙雨江南爲韻

夢餘詩草序

白門悲秋集序

頻羅詩集序

哀榮錄序

快閣記

月色齋記

倪綱小傳

送沈生歸越郡序

致山東昌邑議會書

與孳子論詞書

唐才常

無盡

國寶

卷盒

郁嶷

漱巖

匪石

魯源

箸超

陳幹

匪石

民 權 素 第 四 集

目 錄

新年與友人書

答胡穆卿書



昂 孫
箸 超

名著

漁蓑賦 以綠蓑煙雨江南爲韻

唐才常

幾日蘭橈來水曲。流波驚起鷗鷺浴。悵望千秋嚴子陵。殘影翩跹絕塵俗。雨併濤飛雲將山續。款乃歌清。呀聲促。徒見惺忪。簑笠飄如蝴蝶之衣。枉教織就蓑裳。妬殺鴛鴦之褥。贏得一蓑風雨。宛同拖紫紵。青披來兩岸。烟霞儘有。嫣紅姹綠。倘其韶光明麗。淑景融和。波停霧縠。江淨雲羅。晴絮飄。畫橋之柳。煙絲織。金浦之梭。則將檢點。蓑衣。絳鳥。篷而穩。颯亦且補綴。蓑服共魚網。以摩挲。披襟漁浦之中。柳腰折。瘦落帽。漁舟之畔。荇帶牽多。何須蘆雪。驚寒淨刷。紅翎之羽。豈向桃源把釣。披將白鷺之蓑。無如淡雲低罨。密霧綿延。溶溶水國。漠漠江天。千絲萬絲之雨。三隻五隻之船。似催漁子。收筒歇向綠楊。畫裏不許漁翁。舉網。冒來紅杏村邊。何處漁舟。猶下鷗鄉之餌。誰家漁父。仍携鱸渚之筌。懸知百結。蓑成堪籠。薄暝漫道一肩蓑。重難荷濃煙。彼夫綠野新耕。青山舊伍。杳靄芳原。冥濛花塢。農蓑則見。覲猶來。樵蓑則披。雲快靄。亦足描畫。意之濃纖。寫詩情之飛舞。然未若清風江上。綠影堆篷。細雨湖中。蒼痕映。舫機忘鷗鷺。時獨往而獨來。伴結魚蝦。果誰賓而誰主。絕似身輕鶴。陞瘦欲。偃煙。豈如質重羊裘。濃還怯雨。迢迢楚水。渺渺吳艘。漁村入畫。漁笛成腔。天半白鷗。招一溪邊紫燕。飛雙雅趣。則尋聲鳩婦生涯。則低事魚缸。稱體能安。不必裳裁。薛荔揄竿。自適有時。興託蘭荳。記曾夜月三更。酣眠草舍。憶否斜場半角。久曝篷窗。張志和家在煙波。竟爾名傳。泛宅柳子厚情。深蓑笠居然雪釣寒江。風光澹宕。波鏡嬌含。一碧澄霽。

民權素第四集

千村色酣。漁浦搖帆。高唱漁家。煮酒清談。謝人間之富貴。來世外之江潭。幾時。黃睡舟中。衣痕縫滑。每日。袁披飯。後。髻影。藍髮。寂寞。衰翁。豈羨。蓉妝之。靚。蕭閒。衰客。非誇。柳汁之。沿。須知。身世。浮沈。波長。玉海。莫道。韶華。綺麗。曲唱。江南。

夢餘詩草序

無盡

夫明璫玉佩。不盡喻夫君臣。香草美人。能上嗣於風雅。芬芳悱惻。以是爲優。合肥汪子嘯叔。出示夢餘詩草一卷。觀其儷青妃白。刻翠鏤紅。靈氣回腸。停辛佇苦。江郎恨重。河滿聲悽。顏比玉。而煙沈淚如珠。而雨墮編鴛。愁之隊。豈患情多。綴鷓鴣之辭。惟虞春短。曉風殘月。腸斷詞人。暮雨朝雲。夢醒神女。蓋不愧金縷之哀曲。玉溪之傳人已。嘯叔以蟾窟之仙班。作戎行之武士。刀光耀雪。劍氣摩霄。魯陽公落日揮戈。祖士雅渡江。擊揖慷慨。投筆班超。猶是華年。宛轉成篇。杜牧乃吟薄倖得母。曰縱橫掃蕩。霍去病。何以家爲。哀樂糾纏。王伯與終緣情死。耶然而謝傳山中。絲竹陶寫。文山席上。聲勢豪華。英雄不諱酒色之名。男兒詎短風雲之氣。況揚州一覺。久付虛無。越客千絲。終歸解脫。泥中墮絮。三生參盡。情禪風際。浮萍十載。俱成夢境。嗟夫。蓬蒿刺目。蕭艾盈腰。實與嘯叔舊詡清流。思移澆俗。歌關雎而哀窈窕。覽雙蛾而怨靈修。藉澧蘭沅芷之辭。據山榛隱苓之慨。重以篆龍無主。呼馬有人。路鬼相椰。山靈勝謗。江湖奔走。嗟萍梗之漂搖。風月清佳。聞竹枝而悵惘。幸也靈犀辟水。雛燕依人。雙宿雙飛。傾城傾國。狂生落魄。博青眼於佳人。我輩鍾情。許紅顏爲知己。又復彩雲易散。逝水長流。綠葉成陰。青雲多幻。則鵲啼錦。

民 權 素 第 四 集

瑟我見、猶憐鵲、悵銀河、誰能遣、此乎、實生本恨人、昔逢倩女、金難築屋、玉易成煙、秋風無續命之花、仙島乏返魂之草、禪心寂滅、綺習消除、枯梧餘生、從此不談風月、卷施不死、與君重整山河、是爲序。

白門悲秋集序

國 實

昔宋玉賦九辨以悲秋、實展而誦之、如坐寒山、風雨中聽哀鳥啼猿、相倡答嗚呼、何其言之沈且痛也、而不謂天下後世傷心人、周覽山川、流連風景、其感喟猶有什伯倍於玉者、豈非由人世之多難、我生之靡樂、而情遂有不能自己者耶、庚戌秋、順德蔡子哲夫、合肥汪子嘯叔、金山高子吹萬、天梅平菴、姚子鳳石、丹徒唐子軼林、暨吾郡左子漢鏐、吾宗人菊輩、勾留金陵、相與憑弔、古今百端、交集各以其胸中悲涼拂鬱之氣、發爲詩歌、實彙而錄之、得如干首、取名悲秋集、以其爲九辨之遺音也、蔡子哲夫、又上繼顧寧人先生之志、偕其配張女史、傾城補繪孝陵圖、列於卷首、其用心尤苦矣、嗟夫、天不可知、世方多難、國亡族滅之禍、岌岌焉懸於眉睫間、一二在上位者、猶復攬權怙勢、恬然於危、堂沸釜之中、而晚近少年、又從事於錦衣玉食、金鞍白馬、酣歌恒舞、而不知休其於社稷之顛危、如秦人視越人之肥瘠、曾愔然不少恤焉、則吾儕本古詩人、傷時念亂之義、以此爲周顗新亭之淚、阮籍空山之哭、不猶賢乎、嗚呼、其亦可謂言者無罪也已。

頻羅詩集序

卷 盒

頻羅卽世之八年、哲嗣哀其遺稿、將梓而壽諸世、維時彫林隕風、晚蒼彌望、芝蘭不存、闕芳靡絕、余以盍簪誼無

過。諉。敷。陳。厥。指。可。得。而。言。夫。文。府。元。始。壯。聲。曩。冊。漢。雅。騷。音。各。程。令。軌。六。代。三。唐。瑰。辭。代。起。承。流。遞。嬗。作。者。事。興。足。以。翊。翼。春。華。揚。厲。汗。簡。吉。光。是。珍。文。化。斯。懋。別。集。之。錄。由。來。尙。矣。頻。羅。英。挺。奇。質。負。志。青。雲。尙。羊。儒。林。振。采。詞。苑。落。花。依。草。邱。中。郎。之。才。華。初。日。芙。蓉。鮑。明。遠。所。心。許。皇。甫。當。前。無。事。遠。求。白。傅。子。雲。承。明。豈。獨。文。似。相。如。乃。以。屢。厄。清。時。勉。成。吏。隱。東。坡。游。鄂。遂。傳。黃。州。之。詩。子。山。憂。國。厥。有。江。南。之。作。破。涕。一。掬。入。握。不。溫。吟。魂。三。尺。歸。來。何。暮。嗚。呼。正。平。適。魏。僅。識。孔。生。嗣。宗。登。山。但。聆。孫。嘯。長。沙。服。烏。之。賦。宣。室。不。聞。佺。期。射。鵰。之。才。結。眉。空。嘆。然。而。顯。晦。不。齊。遭。逢。非。偶。釋。羅。襲。衣。豈。必。稟。經。之。彥。握。瑜。懷。瑾。弗。屑。門。戟。之。榮。侏。儒。醉。飽。士。甘。枵。腹。簧。舌。翻。瀾。人。咸。充。耳。賢。者。聞。而。興。唱。高。人。望。而。避。舍。矣。况。夫。流。風。亡。沐。善。操。終。棄。淮。南。拔。宅。人。頌。劉。安。河。間。遺。書。錄。存。子。政。南。山。種。豆。無。楊。惲。而。損。歡。東。籬。采。鞠。待。元。亮。而。載。酒。杜。少。陵。號。稱。詩。史。劉。孝。標。豈。無。故。人。以。彼。例。此。詎。不。其。然。當。此。國。華。凋。謝。墳。籍。廢。弛。戎。衣。屢。警。禮。教。中。息。眷。懷。絕。學。潛。焉。若。瘴。不。有。大。雅。疇。爲。扶。輪。則。斯。集。之。傳。也。將。使。白。雲。在。天。廣。樂。振。地。崇。防。光。采。如。瞻。景。星。之。華。愛。護。波。潮。足。障。黑。水。之。沸。激。濁。揚。清。其。在。斯。乎。今。者。羽。陵。飛。蠹。未。食。神。仙。楓。林。大。招。每。懷。太。白。彥。昇。出。郡。哭。僕。射。而。謳。思。牧。之。愛。才。傳。長。吉。而。作。叙。雖。勞。百。聲。於。繡。虎。無。補。陳。思。而。蔽。一。言。於。猶。龍。眷。懷。李。耳。爰。據。崖。略。用。弁。鴻。著。仰。止。之。咏。庶。無。悶。焉。

哀榮錄序

郁 凝

慈利莫汝堂先生。夙以好義聞鄉里。其哲嗣潤次先生。與家君子素號金石交。歲時伏臘。猶往來余家也。凝幼時。

恒從家君子謁潤次先生。備聞先生行治。比年游學津沽。復與先生父孫葆吾君。昕夕聚處。益得先生之爲人。蓋葆吾君以素封子。壯年浮寄數千里之外。耳目心思所煌惑漸漬於怪瀆。染而日流侈靡也。爲勢甚易。顧夷然處之。堅貞自飭。居五載。屹然不渝。舊操其樸質謹行約。敕矩矱。所以婉浮俗。砥漓習者。殆爲窮陬樵釣之儔。所不逮。則夫先生之居恒。恭己立範。義方迪後。昆以督訓其子弟。雖道躅已杳。不獲樞衣栗階承聲。效親履。寫而往。日家君子之所談述。泊葆吾君之舉止與夫口碑之流傳。則先生之俠義。蓋不可幾及也。前年庚戌歲大饑。嶷歸自津門。由湖北沙市肩輿南行。二日抵滬。所過飢黎羣集。念此蒸民。疇復拯卹者。而先生則於其際。慨然斥積穀賤市價。數倍以贍活。環境飢黎。德惠所被人爭。謳頌往讀太史公遊俠列傳。深有感於緩急人所時有之言。以爲世衰道微。煦煦爲仁利人而不損已者。或難其選。矧尙俠好義如先生者。將非億兆之所託命也耶。迺天不懲貽。前年冬。遽辭濁世。宗婣里黨。走相告泣。而哀輓之詞盈尺。頃葆吾君自里郵書來。謂將哀集成冊。而以弁言。譴議嶷雖不文。感先生高義。其何敢辭。惟先生雖殂落。而莫氏諸子弟多賢俊。克亢其室。若葆吾君者。尤卓犖出人表。異時必能紹先生遺志。據輝宏。大益行義鄉里。爲一方仰賴。世澤綿長。所以永先生令名於無既而來。童販之謳思者。當十百倍。蓰於斯錄。所稱美。則斯錄之集固淺淺焉。不足以發先生之潛德矣。時民國紀元初夏。

快閣記

漱 巖

快閣爲宋陸農師尙書故第。其孫放翁所葺也。在越郡西南三里。過跨湖橋。不半里而至。鑑湖千頃。綠延到門。秦

望諸峯青來排闥登閣四眺心目一豁以快名閱宜矣。址久廢。清乾隆間任處泉來守郡。購址築閣。復拓閣後餘地數畝爲園池。蔣藏園爲撰卜居快閣記。太守自爲詩四章紀之一時名流唱和殆徧雅林勝集。觴咏幾無虛日。中閱百年主屢易。辛壬兵燹淪爲茶廠。庚午山陰姚海槎觀察自邗上歸復購而居之。閣中有此地天教著放翁七字橫額。集董思翁書也。旁有李恣伯聯語云。放翁萬卷半皆歸里作柳家副本。全是借人看。其字體拙而逸。此老不以書名。殆爲詩掩閣後有園布置閒雅。有煙香書屋。遂初齋是亦居。漱酣亭。師舟。師山。入勝廊。飛躍處。棲煙亭。諸勝是皆仍放翁之舊而名之者也。姚氏富藏書頗多。宋槧有爲世所罕見者。夫浙東藏書推杜氏樊氏。浙西藏書推陸氏丁氏。而陸氏而宋樓藏書爲日本人出鉅金購去。與燬煌石室祕笈同慨。近年燬煌古寺石壁中發現古籍大半唐本而釋典居多爲法教士購去。以故丁氏八千卷樓諸書當時議償債十萬。識者有鑑於此。購入江南圖書館以存之。越失而吳得猶是一家之物。勝於流出外洋萬萬至杜氏樊氏所藏其散失蓋亦久矣。獨姚氏克守傳楹風曝籤架有倫有節。文人踵覽應接盡禮不誠足多乎哉。予夙耳其名欲往視而未有便。癸丑十月過越郡承神州醫院主任謝佩銘招飲斯閣。主人幼穉爲海槎令嗣與佩銘友善。盡發所藏無祕故得瀏覽甚詳。

月色齋記

匪 石

余世居金陵明瓦廊聚族而處。地廣數十畝。族叔曾祖伯陽公曾繪圖作記載於家乘者也。太平王之東下也。家

人四出避地。宅爲某將得湘軍取金陵燬焉。舊有香月樓三楹。藏書甚富。吾高曾祖父讀書之所也。至是亦鞠爲煨燼。余猶憶七八歲時。先君子望余過弔故墟。歎獻而言曰。吾老矣。小子識之。他日如有寸進。縱不能恢復舊觀。亦當追香月樓遺迹。以存讀書種子。蓋先君子歷履巢之禍。茹痛至深。嘗謀諸族人之富者。構屋數椽。以奉祭祀。繚以周垣。存其基址。族人憐之。不果行。而族中貧窶之輩。又謀貨之。而分其價。先君子以無財不能挽救。爲之悲。且病者累月。今其地已爲他人有矣。余既長爲鮮民。又深抱不能讀父書之懼。嘗虛構一境。以爲倘能闢三弓地。常繼先君子之志。復香月樓之舊。讀書其中。以淑其身。以教其子孫。而十年以來。卒少閒暇。又困於貧。所志輒不遂。然隨游蹤之所。至常得斗室於以溫。故業求新知。爰刺取自石道人語。顏曰舊時月色齋。誌不忘本。且自訟也。嗟乎。駒光過隙。人事遷流。先人之遺訓。疇昔之宏願。不知何日克踐。而余行年已將三十。汲汲顧影。唯日不足。默念家國之禍。更不知伊於胡底。而所謂香月樓者。欲求其不歸諸幻。亦僅銘之寸心而已。長夏無俚。作舊時月色齋記。以存吾志。而陟岵之悲。故園之感。腸一日而九迴。則未可以言語形容也。辛亥夏六匪石記。

倪綱小傳

魯源

自來失志之士。往往閉戶自精著書。立說雖貧窮而不改者。蓋以年壽有時。而盡榮樂止乎其身。未若文章之垂不朽也。幸而天佑斯文。書傳後世。學子莘莘。奉爲先儒。卽令其聲不揚。讀是書者。知空山絕壑。尙存絕響。至於人文俱喪。傳述無由。與烏猷草木同歸於盡。大可憫也。吾鄉倪先生名綱。逸其字。幼具慧性。善爲文。長而篤學。然家